

Cofnodion Cyfarfod y 1af Hydref 2019

Presennol :- Y Cadeirydd **Gareth Griffiths** a'r Cynghorwyr, Phyllis Ellis, Martin Davies, Idris Thomas, Emma Chappell, Richard Ll. Jones, Elfed Wyn Williams, Jane Pierce.

Croesawyd Y Cynghorydd Elwyn Jones

Gweddi: Offrymwyd gair o weddi gan Richard LL. Jones

1.Ymddiheuriadau.

Rhian Evans-Hill, R. Hefin Williams, Lowri Hughes, Gwawr Wyn Roberts, Aled Green

2.Datgan buddiant

Gareth Griffiths, Phyllis Ellis, Richard Ll Jones, Elfed Wyn Williams, Jane Pierce

3.Ymweliad gan Tim Opsiynau Tai

Pleser oedd croesawu Mr. Arwel Wyn Owen, Pennaeth Cynorthwyol Tai a Llesiant.

Roedd gwahoddiad wedi ei roi i Arwel ddod i drafod ac i roi braslun ar y drefn o osod Tai Cymdeithasol yn yr ardal.

Esboniwyd bod polisis gyda'r Cyngor sydd yn cyd fynd a'r gyfraith, ond bod sawl factor yn dibynnu ar osod tai. Lle i fyw, meddygol a lles, cymdeithasol ac eiddo anaddas. Yn ychwanegol i hyn, mae gan Cyngor Gwynedd bolisi Cysylltiad Lleol, ond mae hwn yn gorfod bod islaw pob pwynt arall. Mae cysylltiad lleol yn cael ei rannu i ganran categorïau Pentre, Ward a sir.

Esboniwyd bod Cyngor Gwynedd ar fin dod a trefn wafanol i fodolaeth, cyn diwedd y flwyddyn. Bydd y polisi newydd yn cynnwys newid polisi sydd yn gysylltiedig a eithafiaeth cysylltiadau lleol.

Cafwyd data ar restr aros, ac faint o dai ar ganran sydd yn dod yn wag ac yn cael eu gosod yn flynyddol. Esboniwyd fod grantiau ar gael hyd at ugain mil i ddod a tai gwag ac anaddas i safon byw, ond bod amodau ynghlwm a hynny. Cafwyd amser i ateb cwestiynau, a diolchwyd i Arwel am ei amser ac am esboniad trylyw o'r broses gosod tai.

Hyfforddiant

Nos Fercher diwethaf, derbyniodd aelodau'r Cyngor Cymuned hyfforddiant dan arweiniad Mr Owain Wyn. Diolch yn Fawr iawn iddo am am ei arweiniad da. Cafwyd esboniad ac engrefftiau ar be y dyliwn wneud wrth ymateb i geisiadau cynllunio.

4.Cofnodion Cyfarfod 3ydd Fedi 2019

Derbyniwyd y cofnodion fel rhai cywir

Idris Thomas (1)

Elfed Wyn Williams (2)

5.Materion o'r cofnodion

Cae'r Foel, Dinorwig

Yn dilyn gyrru at Cyngor Gwynedd am ymateb i'n cwyn ynglyn a'r adeilad yma, derbyniwyd llythyr gan adran Cynllunio. Nodwyd fod aelod o tim gorfodaeth wedi bod mewn cysylltiad a'r perchenog, ond bod y broses yn gallu bod yn hir, ond am drïo dilyn i fyny er mwyn dod a'r mater i ben. Teimlwyd fod yr ymateb yn eitha gwan, ond penderfynwyd aros am rhyw ddau fis i roi amser i'r adran ceisio datrus y broblem, neu dod i ryw gytundeb

Tan y Buarth

Dal i ddisgwyl ymateb gan y Cyngor Sir. Mae'r clerc wedi gyrru i atgoffa y Cyngor Sir am y sefyllfa ar y pafin, bydd yn dilyn i fyny eto mis yma i geisio cael ymateb pendant gan Cyngor Gwynedd.

5. Gohebiaeth a materion eraill

Cysgodfan Bws Penisarwaun

Mae'r llwybr o gwmpas y cysgodfan bellach wedi ei osod fydd yn sicrhau llwybr mwy diogel i'r cysgodfan o hyn ymlaen.

6. Cynllunio

Ceisiadau a dderbyniwyd yn ystod y mis:

Maes y Ffynnon, Bethel – Newid amod rhif 1 o ganiatad cynllunio er mwyn diwygio dyluniad y ty..

Fferm Tros y Waen – Codi Sied

Pendyffryn, Dinorwig – Codi modurdy newydd ac anecs.

Penrallt, Brynrefail – Estyniad dau loft.

7. Adroddiad Ffurflen Flynyddol

Derbyniwyd y Ffurflen flynyddol yn ôl gan yr archwilwyr allanol. Newyddion da ar sail adolygiad archwilion, mae'r wybodaeth yn y Ffurflen Flynyddol yn cydymffurfio ag arferion priodol ac nid oes unrhyw faterion wedi dod i sylw'r archwilwyr sy'n peri pryder nad yw'r ddeddfwriaeth a'r gofynion rheoleiddio perthnasol wedi'u bodloni. Tynnwyd sylw at argymhellion yr archwilwyr mewnol.

Cytunwyd ein bod wedi gweithredu yn barod neu yn y broses o weithredu ar yr argymhellion hynny,

Cymeradwywyd y Ffurflen Flynyddol yn unfrydol, a diolchwyd i'r clerics am ei gwaith trylwyr eto eleni yn dilyn y broses yma.

8. Sefyllfa Ariannol 19/20 Hyd yn hyn

Cyflwynwyd restr o dderbyniadau, taliadau ynghyd a mantolen hanner blwyddyn o gyfrifon y cyngor. Roedd y clec wedi paratoi cymhariaeth hefyd ar y gyllideb o faint sydd wedi ei wario dan pob pwnc cyllideb yn erbyn y cyfrifon.

Nododd y Cadeirydd bod hyn yn dangos yn glir ein bod yn anelu at gydymffurfio a'r gyllideb diwedd blwyddyn, a bod y sefyllfa ariannol yn union lle mae hi fod ar hyn o bryd.

Bydd trafodaeth cyllideb 20/21 yn cychwyn mis Rhagfyr gan anelu at osod praecept ym mis Ionawr.

9. Ceisiadau Ariannol 2019

Derbyniwyd 16 cais am gymorth ariannol eleni. Mae amodau'r ceisiadau cymorth ariannol yn gofyn am Fantolen Ariannol wedi ei archwilio. Y rheswm am hyn ydi bod yn rhaid i'r Cyngor gydymffurfio a gofynion archwilio, ac nid oes posib i'r Cyngor roi cymorth ariannol i ddim un cymdeithas heb dderbyn hyn. Daeth 3 cais i law heb fantolen eleni. Cytunodd y Cyngor i neilltuo cyfraniad i'r cymdeithasau hynny, cyn belled fod y clerics yn derbyn mantolen ariannol o fewn wythnos i'r cyfarfod. Bydd yr Eisteddfod Genedlaethol yn ymweld a'r Sir yn 2021. Mae'r Cyngor felly yn ôl yr afer yn cyfrannu £1000 ar ran yr ardal tuag at yr Wyl. Penderfynwyd rhannu hyn dros 2 flynedd. Felly penderfynwyd clustnodi £500 eleni a £500 y flwyddyn nesaf o'r cyllid rhoddion i hyn.

Penderfynwyd rhannu arian i'r mudiadau eraill fel a ganlyn:

Eisteddfod Gadeiriol Deiniolen.....	300.00
Eisteddfod Bentref Penisarwaun.....	300.00
Eisteddfod Bentraf Bethel.....	300.00
Pwyllgor Neuadd Penisarwaun.....	300.00
Neuadd Bentref Rhiwlas.....	300.00
Clwb Snwcer Deiniolen.....	200.00
Clwb Bowlio Dan do Bethel.....	200.00
Clwb Tennis Bwrdd Rhiwlas.....	200.00
Clwb Rhiwen Rhiwlas.....	200.00
Clwb Pensiynwyr Penisarwaun.....	200.00
LLais Ogwan.....	50.00
Clwb Bro Bethel.....	200.00
Clwb Pel Droed Ieuenctid Bethel.....	200.00
Cylch Meithrin Bethel	150.00
Cynllun Efe.	150.00
Mish Mash Bethel	150.00
Eisteddfod Genedlaethol	500.00

10. O gwmpas y Bwrdd

Rhiwlas - Golau yn y Kiosk ddim yn gweithio. Clerc i gysylltu a'r trydanwr.

Penisarwaun – Angen bin wrth ymyl y cysgodfan Bws

Bethel – Tyfiant drosodd o dir y fferm Llwyn Bedw yn tyfu dros llwybr yr hen rheilffordd – cysylltu a'r trefeddiannwr.

Deiniolen – Dwr yn llifo lawr y lon allan o'r tarmac ar lon Garnedd. Cysylltu a Priffyrdd.

Ty Mawr Cottages – Dilyn fyny y cwyn i rheolaeth cynllunio.

Hen Glybiau Ieuenctid – Gyrru eto ynglyn a trosglwyddo y balansau.